

滄溟先生集卷之十二

濟南李攀龍于鱗撰

晉陵陳廷策元直校

七言排律

郡齋同元美賦得明字

落日千山短髮明
蕭條轉見故人情
時危小郡徵求少
秋到高齋卧理清
豈謂文章妨遇合
深知偃蹇負平生
論心對我杯中物
握手看他世上名
遂使浮雲愁大陸
何來二子在孤城
風塵如此仍為守
愧爾新詩滿帝京

送歷城李明府入計

五陵佳氣薊門東此地車書四海同
葉令遠為朝會使漢家新起建章宮
君王受計當天下列月朔垂衣出禁中
臺史莫疑鳧屨至都人已識馬能工
三齊郡國惟高第百里絃歌播大風
清問即求封禪草好因文似薦揚雄

題徐子與門生汪惟一竹立圖

靈丘隱者一逃名萬竹臨江見底清
徙倚七賢相寄傲便娟二女重含情
葛陂詎信雙龍影嶰谷空傳五鳳聲
風雨長教秋色駐冰霜兼與歲寒盟
投竿渭水才堪老受簡梁園賦已行
願得此君開蔣徑不妨佳

客醉宜城浮雲西北來何莫今日東南美自并截作
武陵溪上笛方知馬援有門生

留子與署中

杭城落月早潮生憲府松杉風亂鳴伏枕待三從効
免移文滿百不留行何人更許彈冠會唯爾還堪倒
屣迎十載寒溫無長物一時出處有餘情酒斟白玉
吳姬色賦擲黃金楚客聲大抵冥鴻心自遠魯來老
驥氣難平浮雲在昔懸秦望北斗依然捧漢京吏挾
江湖纔是傲交論冰雪未為清官聯西省聞題柱家
本同鄉見請纓誰似兩朝銜寵遇它如群少失縱橫

樽前且抗持螯手世上空傳染翰名須聽松杉風再
起晚潮乘月到杭城

與劉憲使過子與大佛寺

西湖斜日淨風烟壯嶺岩崑出半天磴道乍從空外
轉樓臺已入鏡中懸塔分西域銅餅勢石紀秦宮錦
纜年白社但須彭澤酒青山不用華家錢波搖玉樹
堪雙映月上珠林好獨眠我輩自狂君莫訝平生未
敢謬周旋

五言絕句

寄殿卿

一作山中客蓬蒿自滿廬舊遊誰獨往新著復何書
別意

朝來送歸客復此長河湄立馬折楊柳已無前日枝
山中

君去何時歸山中春草夕莫將白雲廬不及紅塵陌
贈元美

共擬懷人作先成幼婦篇微音知者少佳句法誰傳
寄登宗秀才茂登池亭 二首

笑此杯中物從他世上名黃金結客盡誰識濟南生
其二

窓中來蓮舟落日菱歌起坐見浣沙人紅顏照秋水
渡易水贈伯承

七首腰間鳴蕭蕭壯風起平生壯士心可以照寒水
郡齋同元美賦得傍字

三載邢州客看人道路傍風塵君自見誰愛接輿狂
酬郭子坤感懷四首

懷璧如明月連城未肯開君王終見賞且為守蘭臺
其二

若問浮生事風塵病裡過開樽看漸少伏枕似還多
其三

何來雙鬢雪五月鏡中寒便欲煩君鑷蕭蕭不可看
其四

不須婚嫁畢始作尚平遊五嶽年年在浮雲處處愁
戲呈子坤 三首

聞君携愛妾辛苦事求仙自繡浮丘鶴長齋子晉前
其二

家有秦臺女青雲路不遙但愁明月夜天上喚吹簫
其三

丹竈幾時開妝成倚鏡臺不須嗔竊藥本自月中來
病中贈殿卿 二首

夜來殊不病那得似維摩玄度談名理支公奈爾何

其二

玉兔操金杵誰知擣藥年豈應天上住不有病神仙

冬日

四首

憔悴江湖上行吟雨雪寒不逢漁父問誰作楚臣看

其二

日澹平陵城寒高華不注壯風湖上來雪片大如鷺

其三

客來堪自見酒盡且須酤不是南山色貧家一事無

其四

風雪不出門苦吟何時已沽酒城中還先生擁褐起

立春

二首

綵花可憐色為報漢宮春今日文園客依然四壁貧

其二

駘蕩還春色蕭條亦世情不然三徑裡豈愛蔣元卿

漫成

二首

有酒但須飲無世不可避方其潦倒時何與傍人事

其二

翟公既罷官人棄理亦賤殷勤莫署門交情不必見

桃花嶺

一度桃花領烟霞處處新縱迷源上路猶似武陵人

丁香灣

平潭澹不流寒影群峰集斜陽一以照彩翠忽堪拾

春日自戲

自從移疾後誰謂主恩疎每及山林士天顏滿薦書
殿卿示樂府序小詩報

知音千載事君適賞心同從此三都賦人傳左太冲
羽林郎

從軍少年場富貴歸故鄉一拜羽林騎鞍馬自生光

羅敷曲

春日照城隅，羅敷陌上趨。自能停五馬，不是使君愚。

山房書壁 二首

夏日山房清田作，稍就次銜杯。自有真高枕，元吾事

其二

鄰翁幸相勞，斗酒不須滿。且持伏雌還，視君牀下卵。
歲杪再得殿卿書却寄

連札鴈池來，春風錦字開。似看蒿少雪，把酒上平臺。
答寄襲懋卿

白首知經術，青袍見主恩。為尋揚子宅，不到五侯

門

和題郭山人五嶽游囊雜錄六首

五嶽圖

遠遊何所佩五嶽真形圖怪爾煙霞裏精光互有無
杖

十載相携處白雲知幾重莫經葛陂道風雨去為龍

衲

夜投東林寺壯風雪大作捫蝨對山僧衲衣不堪着

瓢

山中無供養時復飯胡麻不是桃源水何人漱落花

鋤

百草各爭芳
蘭生詎能那
竭來深谷中
我鋤還自荷
觚

醉來市上眠
我觚不離手
本是高陽徒
逢人時乞酒

和子與留別

二首

別酒故人同
留詩古寺中
唯應湖上竹
一為起清風
其二

結客五陵東
相邀入漢宮
但携龍劍往
不必問雌雄
七言絕句

寄襲勗

白雲湖上白雲飛
長白山中去不歸
君在樂峰秋色

遍何人共結薜蘿衣

惆悵詞

休將翡翠綰金針
不折芙蓉綴玉簪
誰見雲中雙比翼
空傳月下兩同心

送殿卿

莫辭杯酒薊門春
匹馬明朝客路新
陌上少年君自見
相逢誰是眼中人

送劉戶部督餉湖廣

五首

洲邊處士題鸚鵡陂
上公孫擁驕驕到日
夏雲生七澤愁
秋色滿三湘

其二

馬上春風白接羅
花開應醉習家池
鹿門耆舊何人
在今日襄陽異昔時

其三

漢江春水竟陵東
江樹蒼蒼繞沛宮
父老只今猶望
幸君王按劍顧雲中

其四

洞庭仙使日相乘
君自偏舟似李膺
江雨茫茫江草
徧不知何處是巴陵

其五

錦帆南入楚雲重江上遙看衡嶽峰落日蒼茫秋不
斷青天七十二芙蓉

與元美集李郎中賦示謝生

仙郎歌動白雲秋酒滿金樽月滿樓借問西園飛蓋
客座中誰不似應劉

送吳郎中讞獄江西

三首

春風躍馬出長安送別江南路渺漫共說豐城龍劍
氣到時還向獄中看

其二

廬山北望楚天分君去揚帆入綵雲草色秋迷彭蠡